

საქართველოს მთავრობის

დადგენილება №181

2024 წლის 4 ივნისი

ქ. თბილისი

„ელექტროენერჯის ბაზრის მოდელის კონცეფციის დამტკიცების შესახებ“ საქართველოს მთავრობის 2020 წლის 16 აპრილის №246 დადგენილებასა და „ელექტროენერჯის ბაზრის მოდელის კონცეფციის დამტკიცების შესახებ“ საქართველოს მთავრობის 2020 წლის 16 აპრილის №246 დადგენილებაში ცვლილების შეტანის თაობაზე“ საქართველოს მთავრობის 2022 წლის 30 დეკემბრის №622 დადგენილებაში ცვლილების შეტანის შესახებ

მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „ელექტროენერჯის ბაზრის მოდელის კონცეფციის დამტკიცების შესახებ“ საქართველოს მთავრობის 2020 წლის 16 აპრილის №246 დადგენილებაში (www.matsne.gov.ge, 21/04/2020, 300280000.10.003.021958) შეტანილ იქნეს ცვლილება და დადგენილებით დამტკიცებული „ელექტროენერჯის ბაზრის მოდელის კონცეფციის“:

1. მე-16 მუხლის:

ა) პირველი პუნქტი ჩამოყალიბდეს შემდეგი რედაქციით:

„1. 2024 წლის პირველ ივლისამდე სს „საქართველოს ენერჯეტიკული ბირჟის“ მიერ განხორციელდეს დღით ადრე ბაზრის პლატფორმის ჩამოყალიბება-გამართვა, ტესტირება, პოტენციურ მონაწილეებთან სიმულაციურ რეჟიმში გაშვება და დანერგვა.“;

ბ) პირველი პუნქტის შემდეგ დაემატოს შემდეგი შენაარსის 1¹ პუნქტი:

„1¹. 2025 წლის პირველ ივლისამდე:

ა) სს „საქართველოს სახელმწიფო ელექტროსისტემის“ მიერ განხორციელდეს:

ა.ა) საბალანსო ბაზრის პლატფორმის ჩამოყალიბება-გამართვა, ტესტირება, პოტენციურ მონაწილეებთან სიმულაციურ რეჟიმში გაშვება და დანერგვა;

ა.ბ) დაბალანსებაზე პასუხისმგებელი პირების, მათ შორის, საბალანსო მომსახურების მომწოდებელი პირების რეგისტრაციის სისტემის ფორმირება და სათანადო რეესტრის ჩამოყალიბება;

ა.გ) აღრიცხვის ერთიანი ბაზის წარმოების, მონაცემთა ბაზის მართვისა და საბითუმო ბაზარზე ანგარიშსწორებისათვის საჭირო ღონისძიებების მომზადება;

ბ) სს „ელექტროენერჯეტიკული სისტემის კომერციული ოპერატორის“ (ესკო) მიერ განხორციელდეს საბითუმო საჯარო მომსახურების ორგანიზებისათვის საჭირო ინსტრუმენტების ჩამოყალიბება-გამართვა, ტესტირება, პოტენციურ მონაწილეებსა და ბაზრის ოპერატორებთან სიმულაციურ რეჟიმში გაშვება და დანერგვა.“;

გ) მე-2 პუნქტი ჩამოყალიბდეს შემდეგი რედაქციით:

„2. 2024 წლის პირველი ივლისიდან ბირჟის ოპერატორის მიერ განხორციელდეს:

ა) დღით ადრე ბაზრის ოპერირება;



ბ) დღით ადრე და დღიური ბაზრებისათვის ფინანსური ანგარიშსწორების ფუნქციის უზრუნველყოფა.“;

დ) მე-2 პუნქტის შემდეგ დაემატოს შემდეგი შინაარსის 2¹ პუნქტი:

„2¹. 2025 წლის პირველი ივლისიდან განხორციელდეს:

ა) საბალანსო ბაზრის ოპერატორის მიერ:

ა.ა) საბალანსო და დამხმარე მომსახურებების ბაზრის ოპერირება;

ა.ბ) საბალანსო ბაზარზე საბალანსო ენერჯისა და საბალანსო რეზერვების დაბალანსების მომსახურების მიმწოდებელი პირისგან შესყიდვა;

ა.გ) საბალანსო და დამხმარე მომსახურებების ბაზრისათვის ფინანსური ანგარიშსწორების ფუნქციის უზრუნველყოფა;

ა.დ) დაბალანსებაზე პასუხისმგებელი პირების, მათ შორის, დაბალანსების მომსახურების გამწევი პირების რეესტრის მართვა;

ბ) გადამცემი სისტემის ოპერატორის მიერ – დაბალანსებისთვის საჭირო ღონისძიებების გატარება, აღრიცხვის ერთიანი ბაზის წარმოება და განხორციელება, კომისიის სამართლებრივი აქტების შესაბამისად;

გ) ესკოს, როგორც საბითუმო საჯარო მომსახურების ორგანიზაციის, მიერ საბითუმო საჯარო მომსახურების გაწევა.“.

2. 17¹ მუხლის:

ა) სათაური ჩამოყალიბდეს შემდეგი რედაქციით:

„მუხლი 17¹. ბაზრის ფუნქციონირება გარდამავალ პერიოდში – 2021 წლის პირველი ივლისიდან 2025 წლის პირველ ივლისამდე“;

ბ) მე-3 პუნქტი ჩამოყალიბდეს შემდეგი რედაქციით:

„3. 2025 წლის პირველ ივლისამდე კონცეფციის მე-17 მუხლით გათვალისწინებული სუბიექტები აგრძელებენ იმავე მუხლით განსაზღვრული თავიანთი უფლება-მოვალეობების განხორციელებას, ამ მუხლის მოთხოვნათა გათვალისწინებით.“;

გ) მე-3 პუნქტის შემდეგ დაემატოს შემდეგი შინაარსის 3¹ პუნქტი:

„3¹. 2024 წლის პირველი ივლისიდან 2025 წლის პირველ ივლისამდე დღით ადრე და დღიურ ბაზრებზე ვაჭრობის უზრუნველყოფა და შესაბამისი პლატფორმის ოპერირება განხორციელდეს ამ კონცეფციის 17⁴ მუხლით განსაზღვრული პრინციპების შესაბამისად.“;

დ) მე-4 პუნქტი ჩამოყალიბდეს შემდეგი რედაქციით:

„4. 2025 წლის პირველ ივლისამდე არ გამოიყენება ამ კონცეფციის მე-5 მუხლის მე-3, 3¹ და მე-4 პუნქტებით, მე-6, მე-8, მე-10, მე-11 მუხლებით, მე-12 მუხლის პირველი, 1¹, მე-3, მე-4 და მე-6 პუნქტებით, მე-13 მუხლით, მე-14 მუხლის მე-2 – მე-4 პუნქტებით, მე-15 მუხლის მე-2, მე-3 პუნქტებით, 15¹ მუხლის მე-5 პუნქტითა და 15² მუხლის მე-2 – მე-7 პუნქტებით გათვალისწინებული მოთხოვნები.“.

3. 17² მუხლი ჩამოყალიბდეს შემდეგი რედაქციით:



„მუხლი 17². გარდამავალ პერიოდში საჯარო მომსახურების გამწევი ელექტროენერჯის მწარმოებლების მიერ სიხშირის ავტომატური აღდგენის რეზერვისა და სიხშირის შენარჩუნების რეზერვის საბალანსო სიმძლავრის მიწოდების პირობები

1. 2026 წლის პირველ იანვრამდე სიხშირის ავტომატური აღდგენის რეზერვის მიწოდებაზე საბალანსო ბაზრის ოპერატორის მიერ გამოცხადებულ საბალანსო სიმძლავრის ტენდერზე სატენდერო განაცხადების წარდგენა ხდება ნულოვანი ფასით. საჯარო მომსახურების გამწევი ელექტროენერჯის მწარმოებელი, ფასთა შორის სხვაობის ხელშეკრულების საფუძველზე, საბითუმო საჯარო მომსახურების გამწევ ორგანიზაციას უნაზღაურებს სიხშირის ავტომატური აღდგენის რეზერვის საბალანსო ელექტროენერჯის ფასსა და შესაბამისი საჯარო მომსახურების გამწევი ელექტროენერჯის მწარმოებლისათვის კომისიის მიერ დადგენილ ტარიფს შორის დადებითი სხვაობის შესაბამისი თანხის 90%-ს.

2. 2026 წლის პირველ იანვრამდე საბალანსო ბაზრის ოპერატორი სიხშირის შენარჩუნების რეზერვზე საბალანსო სიმძლავრის ტენდერს არ აცხადებს. დადგენილ პერიოდამდე, გადამცემი სისტემის ოპერატორის მოთხოვნის შემთხვევაში, სიხშირის შენარჩუნების რეზერვის მიწოდებას ნულოვანი ფასით უზრუნველყოფს, კანონმდებლობის შესაბამისად, სიხშირის შენარჩუნების რეზერვზე კვალიფიცირებული საჯარო მომსახურების გამწევი ელექტროენერჯის მწარმოებელი.“.

4. 17³ მუხლის შემდეგ დაემატოს შემდეგი შინაარსის 17⁴ მუხლი:

„მუხლი 17⁴. 2024 წლის პირველი ივლისიდან 2025 წლის პირველ ივლისამდე ელექტროენერჯით საბითუმო ვაჭრობა

1. ელექტროენერჯის საბითუმო ყიდვა-გაყიდვა ხორციელდება ელექტროენერჯის ბირჟაზე საქართველოს ენერჯეტიკისა და წყალმომარაგების მარეგულირებელი ეროვნული კომისიის მიერ დამტკიცებული „ელექტროენერჯის დღით ადრე და დღიური ბაზრების წესების“ შესაბამისად ან/და საქართველოს ენერჯეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად ორმხრივი პირდაპირი ხელშეკრულებით ან/და საბალანსო ელექტროენერჯის მეშვეობით.

2. ელექტროენერჯის საბითუმო ბაზრის სუბიექტები არიან ბაზრის ოპერატორი (ესკო), ბირჟის ოპერატორი და საქართველოს ენერჯეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად რეგისტრირებული საბითუმო ბაზრის მონაწილეები.

3. ამ მუხლით გათვალისწინებულ პერიოდში საბალანსო ელექტროენერჯის ფასი და რაოდენობა გაანგარიშდება ყოველთვიურად. შესაბამისად, თუ ბირჟაზე ან ორმხრივი პირდაპირი ხელშეკრულებით მონაწილემ ელექტროენერჯით ივაჭრა საათობრივად, ნავაჭრი ელექტროენერჯია მას ეთვლება შესაბამისი თვის ჯამურად ნავაჭრ რაოდენობაში.

4. ელექტროენერჯის ბირჟაზე ელექტროენერჯის ყიდვის/გაყიდვის უფლება აქვთ მხოლოდ ამ მუხლის მე-6 და მე-7 პუნქტებში მითითებულ, საქართველოს ენერჯეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად რეგისტრირებული საბითუმო ბაზრის მონაწილეებს.

5. ელექტროენერჯის ბირჟაზე ელექტროენერჯის ყიდვა/გაყიდვა არის ნებაყოფლობითი ხასიათის.

6. ელექტროენერჯის ბირჟაზე ელექტროენერჯის ყიდვის უფლებამოსილება აქვთ მხოლოდ საქართველოს ენერჯეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად რეგისტრირებულ შემდეგ საბითუმო ბაზრის მონაწილეებს:

ა) პირდაპირ მომხმარებლებს, საწარმოს მოხმარების უზრუნველყოფის მიზნით;

ბ) უნივერსალური მომსახურების მიმწოდებელს, მისაწოდებელი ელექტროენერჯის შესყიდვის



მიზნით;

გ) საჯარო მომსახურების სახით ელექტროენერჯის მიწოდებელს, მისაწოდებელი ელექტროენერჯის შესყიდვის მიზნით;

დ) თავისუფალ მიწოდებელს, მისაწოდებელი ელექტროენერჯის შესყიდვის მიზნით;

ე) ბოლო ალტერნატივის მიწოდებელს, მისაწოდებელი ელექტროენერჯის შესყიდვის მიზნით;

ვ) ელექტროენერჯის გადამცემი სისტემის ოპერატორს:

ვ.ა) გადამცემ ქსელში დანაკარგების შესყიდვის მიზნით;

ვ.ბ) ელექტროენერჯის (სიმძლავრის) ტრანზიტის უზრუნველყოფისათვის დანაკარგების შესყიდვის მიზნით;

ზ) გამანაწილებელი სისტემის ოპერატორს, განაწილების ქსელში დანაკარგების შესყიდვის მიზნით.

7. ენერგეტიკულ ბირჟაზე ელექტროენერჯის გაყიდვის უფლებამოსილება აქვთ მხოლოდ საქართველოს ენერგეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად რეგისტრირებულ შემდეგ საბითუმო ბაზრის მონაწილეებს:

ა) საწარმოს, რომლის მფლობელობაში არსებულ დერეგულირებულ ელექტროსადგურსაც, შესაბამისი უფლებამოსილი ორგანოს მიერ გამოცემული სამართლებრივი აქტის საფუძველზე, არ აქვს დაკისრებული საჯარო მომსახურების ვალდებულება – ამ ელექტროსადგურის მიერ გამომუშავებული ელექტროენერჯის ნაწილში;

ბ) საწარმოს, რომლის მფლობელობაში არსებულ დერეგულირებულ ელექტროსადგურსაც, შესაბამისი უფლებამოსილი ორგანოს მიერ გამოცემული სამართლებრივი აქტის საფუძველზე, დაკისრებული აქვს საჯარო მომსახურების ვალდებულება გამომუშავებული ელექტროენერჯის მხოლოდ ნაწილზე – ამ ელექტროსადგურის მიერ გამომუშავებული ელექტროენერჯის იმ ნაწილში, რომელშიც არ აქვს დაკისრებული საჯარო მომსახურების ვალდებულება;

გ) საწარმოს, რომელსაც, საქართველოს მთავრობას, ესკოსა და აღნიშნულ საწარმოს შორის არსებული წერილობითი შეთანხმების ან/და საქართველოს მთავრობის სამართლებრივი აქტის საფუძველზე, ესკოსთან სათანადო წესით გაფორმებული აქვს „ელექტროენერჯის გარანტირებული შესყიდვის შესახებ ხელშეკრულება“ – ამ ელექტროსადგურის მიერ გამომუშავებული ელექტროენერჯის ნაწილში, ამ ხელშეკრულების თანახმად, ელექტროენერჯის სავალდებულო გაყიდვისაგან თავისუფალ პერიოდში;

დ) საწარმოს, რომელიც შესაბამის ელექტროსადგურთან დაკავშირებით, საქართველოს მთავრობის დადგენილებით განსაზღვრული წესის შესაბამისად, სარგებლობს მხარდაჭერის სქემით – ამ ელექტროსადგურის მიერ გამომუშავებული ელექტროენერჯის ნაწილში, მხარდაჭერის პერიოდისგან თავისუფალ პერიოდში.

8. ამ მუხლის პირველი პუნქტით გათვალისწინებულ პერიოდში საბალანსო ელექტროენერჯითა და გარანტირებული სიმძლავრით ვაჭრობა ხდება მხოლოდ ესკოს მეშვეობით, საქართველოს ენერგეტიკის მინისტრის მიერ 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ შესაბამისად.“.

5. მე-18 მუხლი ჩამოყალიბდეს შემდეგი რედაქციით:

„მუხლი 18. საქართველოს ოკუპირებული ტერიტორიისთვის – აფხაზეთის ავტონომიური რესპუბლიკისთვის ელექტროენერჯის მიწოდების დროებითი წესი

1. 2025 წლის პირველ ივლისამდე აფხაზეთის ტერიტორიაზე ელექტროენერჯის მიწოდება



ხორციელდება ენგურჭესისა და ვარდნილჭესების კასკადის ჰიდროელექტროსადგურებიდან ელექტროენერჯის (სიმძლავრის) დამტკიცებული საპროგნოზო ბალანსის მოცულობების მიხედვით. ენგურჭესისა და ვარდნილჭესების კასკადის ჰიდროელექტროსადგურები თავიანთი გამომუშავებიდან იკლებენ აფხაზეთის ტერიტორიაზე მიწოდებული ელექტროენერჯის რაოდენობას შესაბამის საანგარიშო პერიოდში მათ მიერ წარმოებული ელექტროენერჯის პროპორციულად და აწარმოებენ მის აღრიცხვას წინამდებარე წესებითა და კომისიის მიერ დადგენილი ტარიფით. იმ შემთხვევაში, თუ აფხაზეთის ტერიტორიაზე ელექტროენერჯის მიწოდება ხდება ესკოს მიერ შესყიდული ელექტროენერჯის ხარჯზე, ენგურჭესი და ვარდნილჭესების კასკადი ვალდებული არიან, მომდევნო საანგარიშო პერიოდებში მიაწოდონ ესკოს ეკვივალენტური რაოდენობის ელექტროენერჯია. ესკო უფლებამოსილია, აღნიშნული ელექტროენერჯია გაყიდოს მის მიერ ნაყიდი და აფხაზეთის ტერიტორიაზე მიწოდებული ელექტროენერჯის ფასად. ამ ელექტროენერჯის ესკოს მიერ ექსპორტირებისას ფასის ფორმირება ხდება ელექტროენერჯის ექსპორტზე ან/და გაცვლაზე გაფორმებული ხელშეკრულების შესაბამისად.

2. 2023 წლის პირველი ივლისიდან 2025 წლის პირველ ივლისამდე პერიოდში ელექტროენერჯის წარმოების ან მოხმარების სიჭარბის, ავარიის, ხელშეკრულების გარეშე ელექტროენერჯის შემოდინების ან/და სხვა გაუთვალისწინებელ შემთხვევებში, ამ მუხლის პირველი პუნქტით გათვალისწინებული ღონისძიებები რეგულირდება საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესებით“.

6. მე-20 მუხლის მე-4 პუნქტი ჩამოყალიბდეს შემდეგი რედაქციით:

„4. სამიზნე მოდელის ამოქმედების შემდგომ, 2025 წლის პირველ ივლისს, 00:00 საათიდან 02:00 საათამდე პერიოდზე, ელექტროენერჯის ვაჭრობასთან დაკავშირებულ საკითხებზე ვრცელდება საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესებით“ დადგენილი წესები და პირობები.“.

მუხლი 2

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „ელექტროენერჯის ბაზრის მოდელის კონცეფციის დამტკიცების შესახებ“ საქართველოს მთავრობის 2020 წლის 16 აპრილის №246 დადგენილებაში ცვლილების შეტანის თაობაზე“ საქართველოს მთავრობის 2022 წლის 30 დეკემბრის №622 დადგენილებაში (www.matsne.gov.ge, 31/12/2022, 300280000.10.003.023833) შეტანილ იქნეს ცვლილება და დადგენილების:

1. მე-2 მუხლის პირველი პუნქტი ჩამოყალიბდეს შემდეგი რედაქციით:

„1. ესკოს წარდგინებით, საქართველოს ეკონომიკისა და მდგრადი განვითარების სამინისტრომ 2025 წლის პირველ ივლისამდე უზრუნველყოს შემდეგი ნორმატიული აქტების მიღება:

ა) სპეციალური ფონდის ინსტრუქცია;

ბ) საბითუმო საჯარო მომსახურების ოპერირების წესები;

გ) სპეციალური ფონდის ბალანსი.“.

2. მე-3 მუხლის მე-2 პუნქტი ჩამოყალიბდეს შემდეგი რედაქციით:

„2. ამ დადგენილების პირველი მუხლის მე-10 პუნქტი ამოქმედდეს 2025 წლის 1 ივლისიდან.“.

მუხლი 3

დადგენილება ამოქმედდეს გამოქვეყნებისთანავე.

პრემიერ-მინისტრი

ირაკლი კობახიძე

